



I Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradaševića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

Na osnovu člana 24. Statuta općine Gradačac („Službeni glasnik općine Gradačac” br.4/08, 5/12, 1/17 i 5/18) Općinsko vijeće općine Gradačac, na sjednici od ____ dec. 2018. godine, donosi :

RJEŠENJE
o davanju saglasnosti na Pravilnik o načinu uređenja
rezervisanih parking mjesta

I

Daje se saglasnost na Pravilnik o načinu uređenja rezervisanih parking mjesta JP “PARKINZI” d.o.o. Gradačac, koji je sastavni dio ovoga rješenja.

II

Ova rješenje stupa na snagu danom objave u “Službenom glasniku općine Gradačac”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC

- Općinsko vijeće -

Broj: _____
Gradačac, _____ 2018.god.

PREDSJEDAVAJUĆI
OPĆINSKOG VIJEĆA

Šakić Enir, s.r.

Obrazloženje

JP "Parkinzi" obratili su se sa prijedlogom o davanju saglasnosti na Pravilnik o načinu uređenja rezervisanih parking mjesta. Na osnovu člana 5.stav 3.Odluke o javnim parkiralištima ("Sl.glasnik općine Gradačac" br.4/13,6/14) koji kaže da ukoliko se ukaže potreba za detaljnijom regulacijom ove materije (što se u konkretnom slučaju misli na uređenje rezervisanih parking mjesta), upravitelj će donijeti posebne akte kojima će se urediti pitanje rezerviranih parkirališta, uz pribavljanje prethodne saglasnosti Općinskog vijeća.

P R A V I L N I K
o načinu uređenja rezervisanih parking mjesta

Član 1.

Ovim Pravilnikom utvrđuju se uslovi, organizacija, način naplate, način uređenja i ostale okolnosti u vezi sa iznajmljivanjem parking mjesta na godišnjem nivou.

Član 2.

Iznajmljivanje i rezervisanje parking mjesta obavlja Javno preduzeće „Parkinzi“ d.o.o. Gradačac.

Član 3.

Javno preduzeće „Parkinzi“ d.o.o. Gradačac u cilju izvršenja poslova iz člana 2. ovog Pravilnika, vrši uređenje parking mjesta, ali se ne obavezuje o dodatnom osiguranju parking mjesta od drugih korisnika parking prostora.

Član 4.

Cijena godišnje rezervacije parking mjesta prema cjenovniku iznosi:
Zona I – 600,00 KM
Zona II – 400,00 KM.

Član 5.

Na rezervisanom parking mjestu se može izvršiti ispis tankoslojne oznake „R“, bijelom ili žutom bojom.

Član 6.

Na rezervisanom parking mjestu se pored oznake iz člana 5., može izvršiti i ispis imena zakupca parking mjesta.

Član 7.

Ispis imena zakupca parking mjesta se vrši u donjem lijevom uglu i isključivo tankoslojnom oznakom bijele boje.

Član 8.

Veličina slova imena zakupca parking mjesta ne smije biti veća od 25 cm, a dužina ispisa ne smije prelaziti polovinu širine parking mjesta, osim ukoliko dužina imena ne može se jasno vidjeti do polovice istog.

Član 9.

Davalac usluge Javno preduzeće „Parkinzi“ d.o.o. može za svoje potrebe izvršiti ispis rednog broja parking mjesta, tankoslojnom oznakom bijele ili žute boje?

Član 10.

Na rezervisanom parking mjestu se ne smiju postavljati nikakvi dodatni natpisi niti vršiti drugačije obilježavanje mimo ovog Pravilnika.